

कोटड़े ले चालो

कोटड़े ले चालो मन्ने बाबा के ले चालो,
कोटड़े ले चालो मन्ने धणिया के ले चालो,
कोटड़ा को बाबो अपने आयो नन्दल का बीरा,
आयो सासू रा जाया बाबा के ले चालो रे,
मन्ने बाबा के बाबा के ले चालो ॥

उँचा उँचा डूंगर घणा ही महलड़ा ॥
ढोला रे घोड़ा रो अपने आयो नन्दल का बीरा
आयो सासू रा जाया बाबा के ले चालो रे
मन्ने बाबा के बाबा के ले चालो ॥

सोणा सोणा महल थारा अजर झरोखा ॥
झरोखा में बाबो अपने आयो नन्दल का बीरा
आयो सासू रा जाया बाबा के ले चालो रे
मन्ने बाबा के बाबा के ले चालो ॥

अन्ना रे धन्ना रा भरिया रे भंडारा ॥
सुगना बाई को बीरो अपने आयो नन्दल का बीरा
आयो सासू रा जाया बाबा के ले चालो रे
मन्ने बाबा के बाबा के ले चालो ॥

पेडी रे पेडी पर देवी रे देवता ॥
माल्या में सुगना रो वीरो आयो नन्दल का बीरा
आयो सासू रा जाया बाबा के ले चालो रे
मन्ने बाबा के बाबा के ले चालो ॥

निचला मँगरा में बाबो बाग लगायो ॥
मेना दे रो लालो अपने आयो नन्दल का बीरा
आयो सासू रा जाया बाबा के ले चालो रे
मन्ने बाबा के बाबा के ले चालो ॥

प्रेम जी पंदोह बाबा कोटड़ा में ध्यावे ॥
कड़ीवाल की नैया पार लगाई सुगना का बीरा
आयो सासू रा जाया बाबा के ले चालो रे
मन्ने बाबा के बाबा के ले चालो ॥

" मंजीत सिंह "

पैड प्लेयर=9887203444

अपने Android मोबाइल पर [BhajanGanga](#) App डाउनलोड करें और भजनों का आनंद ले |